




CONGREGATIO DE CULTO DIVINO
ET DISCIPLINA SACRAMENTORUM

Prot. N.1139/11/L

Textum *latinum* et *italicum* formularii Missae peculiaris
«Pro nova evangelizatione»

Probatum.

Ex aedibus Congregationis de Cultu Divino et Disciplina Sacramentorum, die 17 mensis iunii
2012.


(✠ Iosephus Augustinus Di Noia, OP)
Archiepiscopus a Secretis

MISSA
PRO NOVA EVANGELIZATIONE

ANT. AD INTROITUM

Cf. Ps 104, 3-4. 5

Laudámini in nómine sancto eius,
lætétur cor quæréntium Dóminum.
Quárite Dóminum et poténtiam eius,
mementóte mirabílium eius, quæ fecit.

COLLECTA

Deus, qui, virtúte Spíritus Sancti,
Verbum tuum paupéribus evangelizáre misísti,
fac nos, óculis in eum inténtis,
in caritáte non ficta semper vívere,
eius Evangélii præcónes ac testes
in univérso mundo efféctos.
Per Dóminum.

LITURGIA VERBI

LECTIO PRIMA

Sir 34, 9-20

Oculi Domini super timentes eum.

Léctio libri Sirácidæ

Vir, qui peregrinátus est, multa dídicit,
et, qui multa expértus est, enarrábit sciénter.
Qui non est expértus, pauca recognóscit,
qui autem peregrinátus est, multíplicat astútiam.
Multa vidi errándo
et plúrima verba intelléxi;
aliquóties usque ad mortem periclitátus sum
et horum causa liberátus sum.
Spíritus tíméntium Dóminum vivet,
et in respéctu illíus benedicétur.
Spes enim illórum in salvántem illos,
et óculi Dei in diligéntes se.
Qui timet Dóminum, nihil trepidábit
et non pavébit, quóniam ipse est spes eius.

Timéntis Dóminum beáta est ánima eius.
Ad quem respícit? Et quis est fortitúdo eius?
Óculi Dómini super timéntes eum:
protéctor poténtiæ, firmaméntum virtútis,
tégimen ardóris et umbráculum meridiáni,
custódia offensiónis et adiutórium casus,
exáltans ánimam et illúminans óculos,
dans sanitátem vitæ et benedictiónem.

Verbum Dómini.

Vel:

Sir 42, 17-24

Gloria Domini plenum est opus eius.

Léctio libri Sirácidæ

Non valent sancti Dómini
enarráre ómnia mirabília eius.
Confirmávit Dóminus exércitus suos
stabilíri coram glória sua.
Abýssum et cor hóminum investigávit
et in astútia eórum excogitávit.
Cognóvit enim Dóminus omnem sciéntiam
et inspéxit in signum ævi
annúntians, quæ præteriérunt et quæ superventúra sunt,
et revélans vestígia occultórum.
Non præterit illum omnis cogitátus,
et non abscondit se ab eo ullus sermo.
Magnália sapiéntiæ suæ ordinávit,
únicus est ante sáeculum et usque in sáeculum;
neque augétur neque minúitur
et non eget alicúius consílio.
Quam desiderabilia ómnia ópera eius,
et tamquam scintílla spectátu!
Omnia hæc vivunt et manent in sáeculum,
et in omni necessitáte ómnia obáudiunt ei.

Verbum Dómini.

In tempore paschali:

Act 10, 34a. 36-43

Nos testes sumus omnium, quæ Dominus fecit.

Lectio Actuum Apostolorum

In diebus illis:

Apériens Petrus os dixit: «Verbum misit Deus filiis Israel evangelizans pacem per Iesum Christum; hic est ómnium Dóminus. Vos scitis quod factum est verbum per univérsam Iudæam incipiens a Galilæa post baptísmum, quod prædicávit Ioánnes: Iesum a Náza-reth, quómo-do unxit eum Deus Spíritu Sancto et virtúte, qui pertransívit benefaciéndo et sanándo omnes opprésos a Diábolo, quóniam Deus erat cum illo. Et nos testes sumus ómnium, quæ fecit in regi-óne Iudæórum et Ierúsalem; quem et occidérunt suspendétes in ligno.

Hunc Deus suscitávit tértia die et dedit eum maniféstum fieri non omni pópulo, sed téstibus præordinátis a Deo, nobis, qui manducávi-mus et bíbimus cum illo postquam resurréxit a mórtuis; et præcép-it nobis prædicáre pópulo et testificári quia ipse est, qui constitú-tus est a Deo iudex vivórum et mortuórum.

Huic omnes Prophétæ testimónium pérhibent remissionem pec-catórum accíperere per nomen eius omnes, qui credunt in eum».

Verbum Dómini.

PSALMUS RESPONSORIUS

Ps 21, 26-27a. 28ab. 30c. 31-32

R. Narrábo nomen tuum frátribus meis.

Apud te laus mea in ecclésia magna;
vota mea reddam in conspéctu timéntium eum.

Edent páuperes et saturabúntur;
et laudábunt Dóminum, qui requírun-t eum. **R.**

Reminiscéntur et converténtur ad Dóminum
univérsi fines terræ.

Anima autem mea illi vivet,
et semen meum sérviet ipsi. **R.**

Narrábitur de Dómino generatióni ventú-ræ;
et annuntiábunt iustítiam eius pópulo,
qui nascétur:

«Hæc fecit Dóminus!» **R.**

LECTIO SECUNDA

Eph 4, 23-32

Renovamini spiritu mentis vestrae.

Lectio Epistolae beati Pauli apostoli ad Ephésios

Fratres:

Renovámini spírítu mentis vestrae et indúite novum hóminem, qui secúndum Deum creátus est in iustítia et sanctitáte veritátis. Propter quod deponéntes mendácium loquímuni veritátem unusquísque cum próximo suo, quóniam sumus ínvicem membra. Irascímuni et nolíte peccáre; sol non óccidat super iracúndiam vestram, et nolíte locum dare Diábolo. Qui furabátur, iam non furétur, magis autem labóret operándo mánibus bonum, ut hábeat unde tríbuat necessitátem patiénti. Omnis sermo malus ex ore vestro non procédát, sed si quis bonus ad ædificatióem opportunitátis, ut det grátiam audiéntibus. Et nolíte contristáre Spírítum Sanctum Dei, in quo signáti estis in diem redemptiúnis.

Omnis amaritúdo et ira et indignátio et clamor et blasphemía tollátur a vobis cum omni malítia. Estóte autem ínvicem benígni, misericórdes, donántes ínvicem, sicut et Deus in Christo donávit vobis.

Verbum Dómini.

Vel:

Col 3, 12-17

Induite vos caritatem, quod est vinculum perfectionis.

Lectio Epistolae beati Pauli apostoli ad Colossenses

Fratres:

Indúite vos ergo, sicut elécti Dei, sancti et dilécti, víscera misericórdiæ, benignitátem, humilitátem, mansuetúdinem, longanimitátem, supportántes ínvicem et donántes vobis ipsis, si quis advérsus áliquem habet querélam; sicut et Dóminus donávit vobis, ita et vos; super ómnia autem hæc: caritátem, quod est vínculum perfectiúnis.

Et pax Christi dominétur in córdibus vestris, ad quam et vocáti estis in uno córpore. Et grati estóte. Verbum Christi hábitet in vobis abundánter, in omni sapiéntia docétes et commonétes vosmetípsos psalmis, hymnis, cánticis spírítuálibus, in grátia cantántes in córdibus vestris Deo; et omne, quodcúmque fácitis in verbo aut in ópere, ómnia in nómine Dómini Iesu grátias agétes Deo Patri per ipsum.

Verbum Dómini.

In tempore paschali:

Hebr 10, 19-25

Iesus Christus initiavit nobis viam novam et viventem.

Léctio Epístolæ Hebræos

Habéntes, fratres, fidúciam in intróitum Sanctórum in sáanguine Iesu, quam initiávit nobis viam novam et viventem per velámen, id est carnem suam, et sacerdotem magnum super domum Dei, accedámus cum vero corde in plenitúdine fídei, aspérsi corda a consciéntia mala et ablúti corpus aqua munda; teneámus spei confessiónem indeclinábilem, fidélis enim est, qui repromísit; et considerémus ínvicem in provocatióne caritátis et bonórum óperum, non deseréntes congregatióne nostram, sicut est consuetúdinis quibúsdam, sed exhortántes, et tanto magis quanto vidétis appropinquántem diem.

Verbum Dómini.

ALLELUIA

Cf. Act 5, 42

℟. Allelúia.

Omni die in templo et circa domos apóstoli non cessábant docéntes et evangelizántes Christum, Iesum.

℟. Allelúia.

EVANGELIUM

Lc 4, 14-22a

Spiritus Domini super me.

✠ Léctio sancti Evangélii secúndum Lucam

In illo témpore:

Regréssus est Iesus in virtúte Spíritus in Galilæam. Et fama éxiit per univérsam regióne de illo. Et ipse docébat in synagógis eórum et magnificabátur ab ómnibus.

Et venit Názareth, ubi erat nutritus, et intrávit secúndum consuetúdinem suam die sábbati in synagógam et surréxit légere. Et tráditus est illi liber prophétæ Isaíæ; et ut revólvit librum, invénit locum, ubi scriptum erat:

«Spíritus Dómini super me; propter quod unxit me evangelizare paupéribus, misit me prædicare captívus remissionem et cæcis visum, dimíttre confráctos in remissione, prædicare annum Dómini accéptum».

Et cum plicuisset librum, reddidit ministro et sedit; et omnium in synagoga oculi erant intendentes in eum.

Cœpit autem dicere ad illos: «Hodie impléta est hæc Scriptúra in auribus vestris». Et omnes testimonium illi dabant et mirabantur in verbis gratiæ, quæ procedebant de ore ipsius.

Verbum Dómini.

SUPER OBLATA

Propítius, quæsumus, Dómine, hæc dona sanctífica
et obséquium humilitátis nostræ benígnus inténde
ut córpora nostra hóstia vivens, sancta, tibi placens fiant
et non ratióne véteris hóminis sed secúndum Spíritum tuum
in novitáte vitæ nos fácias servíre.
Per Christum.

ANT. AD COMMUNIONEM

Cf. Lc 4, 18-19

Spíritus Dómini super me,
propter quod unxit me evangelizáre,
prædicáre annum Dómini accéptum,
et diem redemptiónis.

POST COMMUNIONEM

Fílii tui Córporis et Sánguinis prætiósi
alimónia mente renovátis,
da nobis, quæsumus, Dómine,
cor áliud et spíritum novum
ut in novitáte vitæ perseveránte ambulémus.
Per Christum.